pas reporter ma teste que i'auois hazardée ie ne penfois pas qu'elle deust resortir de vos portes, & ie m'en
retourne chargé d'honneur, de presens, & de bienveillance. Mes freres parlant aux Sauuages, obeyssez
[102] à Onontio & aux François, ils ont le cœur & les
pensées fort bonnes, tenez-vous bien vnys auec eux
& vous accommodez à leurs façons de faire, vous
aurez bien-tost de nos nouuelles. Les Sauuages respondirent par vne gentile salue d'arquebusades, & le
Fort tira vn coup de canon, ainsi se termina leur Ambassade. Dieu fasse reüssir le tout pour sa plus grande
gloire.